



Na osnovu člana 70. Zakona o organizaciji organa uprave u Federaciji Bosne i Hercegovine („Službene novine F BiH“, br.35/05), a u vezi s članom 69. stav (3) i članom 70. stav (1), (4) i (6) Zakona o javnim nabavkama („Službeni glasnik BiH“, broj 39/14), direktor Kantonalne uprave civilne zaštite, donosi

ODLUKU
o otkazivanju postupka javne nabavke

Član 1.

Otkazuje se postupak javne nabavke radiološkog detektora, putem direktnog sporazuma, pokrenut Odlukom o pokretanju postupka javne nabavke, broj: 15-11-8-10077-1/21 od 28.09.2021. godine.

Član 2.

Ova Odluka stupa na snagu danom donošenja, i objavit će se na web stranici Kantonalne uprave civilne zaštite <http://czusk.ba/>, u skladu s članom 70. stav (6) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke, broj: 15-11-8-10077-1/21 od 28.09.2021. godine za nabavku radiološkog detektora.

Javna nabavka je provedena putem postupka male vrijednosti: Direktni sporazum.

Procijenjena vrijednost javne nabavke bez PDV-a iznosi 1.025,00 KM.

Nakon ispitivanja tržišta upućen je Poziv za dostavu ponude ponuđaču „PCE Grupa“ d.o.o. Sarajevo.

Rok za prijem ponuda je određen do petka, 08.10.2021. godine. Do isteka navedenog roka zaprimljena je jedna ponuda – ponuđača „PCE Grupa“ d.o.o. Sarajevo. Ista je zaprimljena 05.10.2021. godine i otvorena na protokolu ugovornog organa. Naime, brza pošta putem koje je ponuda dostavljena je ispod naziva i adrese primaoca zalijepila tovarni list, te je tekst ispod adrese nevidljiv.

Zbog naprijed navedenog, odlučeno je kao u dispozitivu.

Pouka o pravnom lijeku:

Nije propisana mogućnost izjavljivanja žalbe u postupku direktnog sporazuma.

Broj: 15-11-8-10077-4/21
Bihać, 11.10.2021. godine

Dostaviti:

- „PCE Grupa“ d.o.o. Sarajevo, Tvornička 3, 71210 Tuzla,
- a/a.



Direktor
Dževad Dživaković, prof.